

JISŌS EJ JINO AN JERBAL

Kōttōpar ko an katak in:

- Kwaļok katak ko an Jisōs.
- Kwaļok meļeļein ukeļok im tōmak.
- Kwaļok kōn aorōkōn tōmak.
- Kwaļok bwe Jisōs wōt e maroñ lōmōḡren kōj.

Meļeļe ko reļap ilo katak in:

- Jen lo bwe jej aikuj errā ippān Anij kōn jerōwiwi im lōmōḡ.
- Jen lo bwe Jisōs ej Anij.
- Jen lo bwe Jisōs e kajoor im E jouj.
- Jen lo bwe Jisōs wōt E maroñ lōmōḡren kōj.

Jen keememej bwe Kallimur Mōkta ej kein kōjjeļā kōn Jisōs, im Kallimur Ekāāl ej kein kaḡool kōn Jisōs. Kallimur Ekāāl ej kaḡool ñan kōj bwe Jisōs Kraist ej Ri Lōmōḡ eo me eḡōj an Kallimur Mōkta kōjjeļā kake.

Ilo iien an kar Jisōs ļotak, elōñ kakōļle raar waļok ñan kwaļok bwe e Ri Lōmōḡ eo an laļ in.

- Elōñ jar in enjeļ ro raar waļok ilo mejatoto. Sheperd ro raar waļok.
- Elōñ Ri kanpil raar jade tok jān laļ ko jet.

Bōtab re ļak etal, innām Jisōs ear jab kōḡḡan jabdewōt. Ear juon niñniñ. Iuḡwin 30 year Ear jab kōḡḡan jabdewōt. Ear mour āinwōt juon lukkuun armej. Ear pokake jemān im jinen. Ear kōḡḡao ippān Jemān ilañ. Ear jab jino An jermal ilōbwilej ñan ñe Ear peptaij. Eļak peptaij innām Ear jino An jermal. Ewi jekjekin kar jermal eo an Jisōs?

1. Jisōs ear kwaļok.

Ke Jon ri peptaij ear kwaļok bwe armej ren ukeļok, jet armej raar jab ḡōḡōḡō. Jet, āinwōt Parisi ro, raar ļōḡḡak bwe e bwe an eḡḡan aer jermal ñan Anij. Im jet raar jab kōḡḡan oktak jān aer nana im aer kajejjet kōḡḡan ko aer.

Herod ear juon eo ear jab ḡōḡōḡō ippān Jon, im Herod ear kalbuuj Jon innām jeke bōran.



Mark 1:14,15 Im ālikin ketak Jon, Jisōs ej itok ilo Galili im kwaļok gospel an aelōñ in Anij, im ba, “Ejejjet iien, im epaak aelōñ in Anij; koḡwin ukeļok ippemi im tōmak ilo gospel.”

Joñan in, ear 30 an Jisōs iiō. Ke Jisōs ear jino An jermal, Ear kōḡḡan elōñ men, ak men eo eļap im Ear kōḡḡan men in: Ear kwaļok gospel eo. Ear jiroñ armej ro kōn jilu men.

- ❶ Kwōn ukōt aḡ ļōḡḡak kōn aḡ jerōwiwi.

Ewi naan eo mokta im Jisōs ear jiroñ armej ro kake? Komwin ukeļok. Joñan ad minene kōn naan in ukeļok, ear etal im lukkuun jako meļeļe eo e jimwe. Lukkuun meļeļe in naan in ukeļok ej “Ukōt aṃ lōmṃak.”

Ke Jisōs ear jino An kwaļok Ear ba, “Ukōt aṃ lōmṃak! Ukōt aṃ lōmṃak!”

Jen ukōt ad lōmṃak kōn ta? Ekwe, eļañņe jen ukōt ad lōmṃak ej meļeļe in bwe lōmṃak eo ad mokta loḅ e jab bwe. Jej aikuj in ukōt ad lōmṃak kōn ad jerowiwī.

Jet armej rej lōmṃak bwe e jab nana eļañņe rej jerowiwī jidik. Rej lōmṃak bwe Anij e ban joļok er eļañņe jidik wōt aer jerowiwī im rej kajjioñ in kōmṃan jimwe.

E bōd lōmṃak kein, bwe oņean jerowiwī mej. Kwō lukkuun tōmak bwe e telļokōṃ ñan mej ke? Baibōl make ej ba bwe oņean jerowiwī mej. Ej bar ainwōt ba men in,



Rom 3:12, 14 Er otemjej raar jeor, rej jimor jatokjāer, ejjeļok eṇ ej kōmṃan eṃṃan, aet, ejjeļok juon.... Loñir e obrak kōn kanejnej im meo.

Āindein ke aṃ lōmṃak kōn kwe make? Ñe e jab innām en oktak lōmṃak eo aṃ kōn aṃ make nana.

❷ Kwōn errā ippān Anij bwe ejjeļok aṃ maroñ.

Jon ri peptaij im Jisōs raar aolep iien jiroñ Parisi im Skraib ro bwe ren ukeļok. Bwe? Je ļak lale raar jitolok ruo alen ilo juon wiik, leļok juon mōttan joñoul, im kōjparok kien otemjej an Anij. Raar bar ainwōt dike jerowiwī.

Bōtab Jon ear jiroñ er im ba,



Matu 3:7,8 A ke ej lo elōñ Parisi im Saddusi rej itok ñan an peptaij, e ba ñan er, “O bwijin vaiper ko, wōn ear kauwe koṃ bwe koṃwin ko jān illu e naaj itok? Innām koṃwin jebar im lle ekkar ñan ami ukeļok.”

En ewi wāween aer ukeļok? En ewi wāween an oktak lōmṃak ko aer?



Matu 5:20 Bwe Ij ba ñan koṃ, eļañņe ami kwōjarjar e jāmin ļap jān eo an skraib ro im Parisi ro, koṃ jāmin deloñ ilowaan aelōñ in lañ.

Eļañņe e jab bwe wānōk eo an Parisi ro innām enaaj bwe wānōk an wōn? Ejjeļok. Ejjeļok armej enaaj tōpar wānōk an Anij kōn an make tiljek ak niknik. Parisi ro raar aikuj in ukōt aer lōmṃak kōn aer make wānōk. Raar aikuj kile bwe eban kar bwe aer make tiljek im niknik ilo jermal in Anij. Bōtab jen kile bwe e jab bwe ukeļok. Ewor mōttan juon men jen kōmṃane.

❸ Tōmak ilo Gospel.

Ak ilo bar juon wāween ba, lōke Nuuj eo eṃṃan. Bwe eñin lukkuun meļeļe in naan in Gospel.

Ewi nuuj eo emman? Meñe kōj ri nana im e telļokōd ñan mej, meñe wānōk ko ad im jermal ko ad re lukkuun jabwe, ewor juon iaļ ñan lōmṣor. Ewor juon nuuj eo emman. Jisōs enaaj juļok aolep bōd ko aṃ im karreoiḱ im kawānōk eok ñan indeeo kōn tōmak.




Rom 4:5 A ñan eo ejab jermal, a ej lōke Eo ej kawānōk ri jerṣwiwi, watōk an tōmak aīnwōt wānōk.

Eñin men eo im Jisōs ear kwaļok kake. Ear jab ba, “Oktak im jermal ñan Anij.” Ear jab ba, “Oktak im kōjparok kien.” Ear jab ba, “Lōke Gospel im jermal joñan wōt aṃ maroñ.” Ijoke, Ear ba, “koṃwin ukeļok ippāmi, im tōmak ilo Gospel.”



Hibru 11:6 Im, eļaññe ejjelok tōmak, armej re ban kabuñbūruon ...



Jisōs ear katakin armej.

- **Ebel** ear juon ri jerṣwiwi ke? Aet. Innām etke Anij ear bōk e? Kōnke Ebel ear errā ippān Anij bwe e juon ri jerṣwiwi, im Ebel ear tōmak men ko Anij ear ba.
- Ke Anij ear ba ñan **Noa** bwe en jeke juon wa bwe Anij enaaj koḱkure laļ in kōn ibwijlelep, Noa ear tōmak Anij.
- Anij ear ba ñan **Ebream** bwe en iloḱ jān aelōñ eo an im etal ñan juon jikin kāal. Ebream ear juon ri jerṣwiwi, ak Anij ear watōk an tōmak aīnwōt wānōk. Unin an Anij kar maroñ in kōmman men in ej kōnke Jisōs ear kōļļā kōn nana ko an.
- **Moses** ear lōke Anij im ba bwe ro ri Israel ren likūt bōtōktōk iturin kōjām ko bwe Anij en kōjparok er.
- **Joshua** im **Keleb** raar tōmak bwe Anij enaaj leļok āne in kallimur eo ñan ro ri Israel.

Eļaññe kwōj lōke tokjān jermal ko aṃ wōt, kwōn ukōt aṃ lōmṣak kōn aṃ nana im aṃ make wānōk, im oktak ñan Jisōs im E wōt ñan kawānōk eok.

2. Jisōs ear kajutakļok tiṃon ro.



Mark 1:27 Im er otemjej re bwilōñ, bwe rej kajjitōk ippān doon im ba, “Ta men in? Naan in katak ekāal! Bwe kōn an Irooj Ej jiroñ jetōb ettoon ro, im rej pokake E.”

Jisōs ear jab kwaļok wōt, meñe naan in kwaļok ko An raar aorōk. Ear barāinwōt kōmmani jet jermal ko me rej kaṃool bwe E Anij im Ri Lōmṣor eo eṃōj kallimur kake ilo Kallimur Mokta.

Mōttan jermal kein ej an kajutakļok tiṃon ro. Tiṃon ro rej enjeļ ro me raar jep ippān Jetan ṅae Anij. Rej dike ṃool. Bōtab ke raar wōnṃae Jisōs raar aikuj in kwaļok ṃool kōn E. Ke Jisōs ear iten kajutakļok tiṃon rein raar ba,



Mark 1:24 “Ta eo ippem im Ippaṃ, Kwe Jisōs ri Nazeret? Kwōj itōn koḱkure kōm ke? Ij

kile Eok, Ri Kwōjarjar an Anij!”

Raar jeļā ta kōn Jisōs? Raar jeļā bwe E juon lukkuun armej. Raar kūr E kōn āt in Jisōs ri Nazaret. Raar barāinwōt jeļā bwe E Anij. Raar kūr E kōn āt in Ri Kwōjarjar an Anij. Raar bōk āt in jān ia? Kiiñ Devid ear kwaļok āt in ilo Sam 16:10 eo ej ba, *Kwō jāmin likūt Eo Aṃ Ri Kwōjarjar bwe En lo kōt ilo an kōnono kōn kallib im jerkakpeje eo an Jisōs. Ear barāinwōt kajerbal āt in ilo an kōnono kōn Jeova Anij.*



Sam 89:18 Bwe amwōj likōpejñak ippān Jeova, im amwōj kiiñ an Ri Kwōjarjar in Israel.

Jisōs ear jiroñ tiṃon ro kōn Etan make; e jab kōn etan bar juon. Tiṃon ro raar aikuj pokake E kōnke E Anij.

* **Anij e kajoor jān aolep.**

3. Jisōs ear kemour armej.

* **Jisōs ej Anij.**



Mark 1:34 Im Ej kemour elōñ ro re nañinmej kōn jabdewōt nañinmej, im kajutakļok elōñ tiṃon; im Ej bōbrae an tiṃon ro kōnono, bwe re kile E.

An Jisōs kemour ej kwaļok ruo men.

❶ An kajoor ainwōt Anij.

Aolep nañinmej, jorrān ko, im būromōj ko an laļ in raar waļok kōn an Adam kāālōt jerōwiwi. Jerōwiwi ear bōktok eñtaan im mej.

Ejab meļeļe in bwe kajjojo nañinmej ej men in kaje kōn juon jerōwiwi jaar kōmmane. Bōtab unin an wor nañinmej ilo laļ in ej kōn jerōwiwi, ak Jisōs e maroñ kemour jabdewōt nañinmej.

❷ Jisōs e obrak kōn tūriamo.

Ear itok ñan laļ in bwe en lōmōoren kōj jān jerōwiwi im hell. Meñe ejjeļok ej kapukot Anij, Anij ej kapukot aolep. Meñe kōj ri kōjdate Anij, Ej yokwe kōj.



Luk 19:10 Bwe Nejin armej ej itok bwe En pukot im lōmōor eo e jako.

Naan in jako ej kwaļok bwe jej lia kadede. Ejjeļok kōjatdikdik ñan kōj. Eļañne Anij e jab reitok ilo An jouj, jenaaj jako otem jako. Nōbar Anij bwe Ear reitok im wūjleptok An yokwe eļap. Jerbal kein jilu an Jisōs rej kwaļok bwe kōj ri ban, bwe E Anij, im bwe E wōt e maroñ lōmōoren kōj.

4. Jisōs ear kemour juon ri lōba.



Mark 1:40 Im ej itok juon lōba ñan Ippān im akweļap ñan E, im bukweļōlō ñan E im ba ñan E, “Eļañne Kwō kōṅnaan, Kwōj maroñ in karreo eō.”

*** Armej rej aikuj tōmak bwe ren kabuñbūruon Anij im bōk lōmḡor.**

Naan in “lōba” ilo Bible ej jermal ñan elōñ kain nañinmej ilo kilin armej. Jet iaan nañinmej kein raar kōmman bwe en mej nerve ko bwe en ejjelok eñjake ilo pein im neen armej. Nañinmej eo ear kappopo, im ilo kar tōr eo, e kar ejjelok uno ñan nañinmej rot in.

Melelein, lein ear jab maroñ make kemour e, im ejjelok bar armej e maroñ jipañ e.

Bōtab, e oktak Jisōs, bwe meñe E armej, Ej barāinwōt Anij. Ri lōba eo ear kile an ban, im ear tōmak bwe Jisōs e maroñ kemour e. Innām ear itok ñan ippān Jisōs im kajjitōk kōn tūriamo.

Nañinmej in lōba ej āinwōt nañinmej in jerowiwī. Je jab maroñ make kemour kōj, im ilo jemloken, jenaaj mej. Anij ej dike jerowiwī. Jisōs wōt e maroñ kemour kōj.



Mark 1: 41,42 Im kōn An tūriamo, Ej erloke pein, im uñūri im ba ñan e, “I kōḡaan; kwōn erre.” Im e jab ruḡwij an nañinmej in lōba eo ilok jān e, im ej erre.

Ilo Baibōl, ro ri lōba raar pād wōt im ettolok jān armej. Ejjelok ear uñūr er. Bōtab Jisōs ear uñūr leo, bwe Jisōs ear yokwe e. Jisōs e maroñ kar kōnono wōt bwe leo en mour, ak Ear kōḡaan kwaḡok An kajoor im An yokwe ñan leo.

Kōj ri jerata im ri ban, āinwōt ri lōba eo. Ejjelok juon men je maroñ make kōmmane bwe jen mour. Ejjelok armej ak kabuñ e maroñ jipañ. Bōtab meñe jenana im ettoon, Anij ej yokwe kōj, im kōn an Jisōs mej ilo jikōd, E maroñ lōmḡoren kōj.

Kajjitōk ko

1. Ear jete an Jisōs year ilo iien An jino an jermal?
2. Ewi jermal eo eḡap im Jisōs ear kōmmane ilo iien an pād ioon laḡ in?
3. Ke Jisōs ear kwaḡok ear jiroñ armej bwe ren kōmman ta?
4. Ta lukkuun melele in naan in ukeḡok?
5. Kwōn ukōt aḡ lōmḡak kōn ta?
6. Innām etke Jisōs ear jiroñ Parisi ro im skraib ro bwe ren ukeḡok?
7. Ewi bōd eo ilo lōmḡak eo aer?
8. Ta melele in naan in Gospel?
9. Ewi nuuj eo emman?
10. Ewi bar juon jermal im Jisōs ear aolep iien kōmmane?
11. Men in ej katakin kōj ta?
12. Ewi bar juon jermal im Jisōs ear kōmmane?
13. Men in ej katakin kōj ta?
14. Ewi bar juon men im ej katakin kōj?
15. Ilo wāween rot, ri lōba ej āinwōt ri jerowiwī?